

Ընդունված է

Հաստատված է

ԵՊՀ Սոցիոլոգիայի  
ֆակուլտետի խորհրդի  
2012 թ. նոյեմբերի «13»-ի  
N 8 նիստում

ԵՊՀ գիտական խորհրդի  
2012 թ. դեկտեմբերի «»-ի  
N նիստի որոշմամբ

դեկան

Գիտական խորհրդի նախագահ,  
ՀՀ ԳԱԱ թղթակից անդամ

\_\_\_\_\_ Ա. Ե. Մկրտիչյան

\_\_\_\_\_ Ա. Հ. Սինոնյան

Կ Ա Ն Ո Ն Ա Դ Ր Ո Ւ Թ Յ Ո Ւ Ն

Երևանի պետական համալսարանի

Սոցիոլոգիայի ֆակուլտետի

## 1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնադրությունը սահմանում է ԵՊՀ Սոցիոլոգիայի ֆակուլտետի գործունեության իրավական հիմքերը:

2. ԵՊՀ Սոցիոլոգիայի ֆակուլտետի սույն կանոնադրությունը մշակված է ԵՊՀ ֆակուլտետի օրինակելի կանոնադրության հիման վրա և ընդունված է ֆակուլտետի խորհրդում:

3. ԵՊՀ Սոցիոլոգիայի ֆակուլտետի կանոնադրությունը հաստատել է ԵՊՀ գիտական խորհուրդը:

4. ԵՊՀ Սոցիոլոգիայի ֆակուլտետի կանոնադրության մեջ փոփոխությունները և լրացումները կկատարվեն նույն ընթացակարգով:

5. ԵՊՀ Սոցիոլոգիայի ֆակուլտետը վերակազմակերպվում, կամ լուծարվում է ԵՊՀ գիտական խորհրդի որոշմամբ:

6. ԵՊՀ Սոցիոլոգիայի ֆակուլտետի լրիվ պաշտոնական անվանումն է՝  
հայերեն՝ Երևանի պետական համալսարան Սոցիոլոգիայի ֆակուլտետ,

ռուսերեն՝ Ереванский государственный университет Факультет социологии ,

անգլերեն՝ Yerevan state university Department of Sociology:

7. ԵՊՀ Սոցիոլոգիայի ֆակուլտետի գտնվելու վայրն է՝ Ալեք Մանուկյան փ. 1, Երևանի պետական համալսարան:

8. ԵՊՀ Սոցիոլոգիայի ֆակուլտետը համարվում է Երևանի պետական համալսարանի կառուցվածքային հիմնական ստորաբաժանումներից մեկը, օժտված է իրավունքներով և կրում է պարտականություններ՝ ֆակուլտետի կանոնադրությամբ համապատասխան:

9. ԵՊՀ Սոցիոլոգիայի ֆակուլտետն իր գործունեության ընթացքում ղեկավարվում է ՀՀ օրենսդրությամբ, ԵՊՀ կանոնադրությամբ, ԵՊՀ ֆակուլտետի օրինակելի կանոնադրությամբ, սույն կանոնադրությամբ, ինչպես նաև ԵՊՀ կառավարման մարմինների, ֆակուլտետի կառավարման մարմինների՝ իրենց իրավասության շրջանակում ընդունած իրավական ակտերով:

10. ԵՊՀ Սոցիոլոգիայի ֆակուլտետն ունի կնիք և իր անվանումով դրոշմակնիք՝ (հայերեն, ռուսերեն, անգլերեն), պաշտոնաթուղթ (բլանկ), խորհրդանիշ և անհատականացման այլ միջոցներ:

## **2. ԵՊՀ ՍՈՑԻՈԼՈԳԻԱՅԻ ՖԱԿՈՒԼՏԵՏԻ ԽՆԴԻՐՆԵՐՆ ՈՒ ԻՐԱՎԱՍՈՒԹՅՈՒՆԸ**

11. Սոցիոլոգիայի ֆակուլտետը ԵՊՀ գիտակրթական գործունեությունն իրականացնող ստորաբաժանում է, որն իրականացնում է բարձրագույն մասնագիտական և հետբուհական կրթություն սոցիոլոգիա, սոցիալական աշխատանք, հասարակայնության հետ կապեր և կոնֆլիկտաբանություն մասնագիտություններով:

12. ԵՊՀ Սոցիոլոգիայի ֆակուլտետն իր իրավասության սահմաններում իրավունք ունի ընդունելու ինքնուրույն որոշումներ, եթե դրանք չեն հակասում Հայաստանի Հանրապետության օրենսդրությանը, ԵՊՀ կանոնադրությանը, ԵՊՀ ֆակուլտետի օրինակելի կանոնադրությանը, Սոցիոլոգիայի ֆակուլտետի կանոնադրությանը:

13. ԵՊՀ Սոցիոլոգիայի ֆակուլտետը՝ ելնելով իր կողմից իրականացվող ուսումնական, գիտական, ուսումնաօժանդակ և տեխնիկական աշխատանքներից, ըստ սահմանված չափանիշների, մշակում է իր հաստիքացուցակը, որը հաստատվում է ռեկտորի կողմից:

14. ԵՊՀ եկամուտների և ծախսերի տարեկան նախահաշվով ԵՊՀ խորհրդի որոշմամբ ֆակուլտետին կարող են հատկացվել ֆինանսական միջոցներ, որոնք ֆակուլտետը տնօրինում է սահմանված կարգով:

## **3. ԵՊՀ ՍՈՑԻՈԼՈԳԻԱՅԻ ՖԱԿՈՒԼՏԵՏԻ ԿԱՌԱՎԱՐՈՒՄԸ**

15. ԵՊՀ Սոցիոլոգիայի ֆակուլտետի կառավարումն իրականացվում է ՀՀ օրենսդրությանը, ԵՊՀ կանոնադրությանը և ֆակուլտետի կանոնադրությանը համապատասխան, միանձնյա և կոլեգիալ կառավարման սկզբունքների զուգակցմամբ:

16. ԵՊՀ Սոցիոլոգիայի ֆակուլտետի կառավարման մարմիններն են ֆակուլտետի խորհուրդը, ֆակուլտետի գիտական խորհուրդը, դեկանը, որոնք իրենց

իրավասության սահմաններում ընդունում են ինքնուրույն որոշումներ, եթե դրանք չեն հակասում Հայաստանի Հանրապետության օրենսդրությանը, ԵՊՀ կանոնադրությանը, ԵՊՀ ներքին իրավական ակտերին և ֆակուլտետի կանոնադրությանը:

17. ԵՊՀ Սոցիոլոգիայի ֆակուլտետի խորհուրդը կազմված է ի պաշտոնե և ընտրովի անդամներից: Ֆակուլտետի խորհրդի ի պաշտոնե անդամների թիվը չի կարող գերազանցել խորհրդի կազմի 50 տոկոսը: ԵՊՀ Սոցիոլոգիայի ֆակուլտետի գիտական խորհրդի առաջարկությամբ ֆակուլտետի խորհրդի անդամների թիվը 40 է:

18. ԵՊՀ Սոցիոլոգիայի ֆակուլտետի խորհրդի ի պաշտոնե անդամներն են՝ ֆակուլտետի գիտական խորհրդի անդամները: Խորհրդի ընտրովի անդամների թեկնածությունները համամասնորեն առաջադրում են ֆակուլտետի կառուցվածքային ստորաբաժանումները, որոնց թիվը հաշվարկվում է ըստ տվյալ ստորաբաժանման հաստիքների գումարային թվաքանակի:

Խորհրդի ընտրովի անդամներ կարող են առաջադրվել միայն տվյալ ստորաբաժանման հիմնական և ներքին համատեղությամբ աշխատողները:

19. Խորհրդի անդամների 25 տոկոսը սովորողներն են, որոնց ընտրությունը կուրսերում իրականացնում է ֆակուլտետի ուսանողական խորհուրդը (ներառելով ֆակուլտետի գիտական խորհրդի կազմում ընդգրկված ուսանողական խորհրդի մեկ ընտրովի ներկայացուցչի):

20. Սոցիոլոգիայի ֆակուլտետի խորհրդի լիազորությունների ժամկետը 5 տարի է: Ֆակուլտետի խորհրդի լիազորությունների ավարտից մեկ ամիս առաջ դեկանը ԵՊՀ ռեկտորի հաստատմանն է ներկայացնում ֆակուլտետի խորհրդի անդամների նոր ցուցակը:

21. Սոցիոլոգիայի ֆակուլտետի խորհուրդն ԵՊՀ գիտական խորհրդի ընդունած օրինակելի կանոնադրության հիման վրա ընդունում է ֆակուլտետի կանոնադրությունը, փոփոխություններ և լրացումներ է կատարում դրանում, ընտրում և պաշտոնանկ է անում ֆակուլտետի դեկանին, լսում է դեկանի ամենամյա հաշվետվությունը և գնահատում նրա գործունեությունը:

22. ԵՊՀ Սոցիոլոգիայի ֆակուլտետի խորհրդի նիստերը գումարվում են ըստ անհրաժեշտության, իսկ ամենամյա նիստերը՝ յուրաքանչյուր ուսումնական տարվա ավարտից հետո՝ ըստ ռեկտորի կողմից հաստատված ժամանակացույցի:

23. ԵՊՀ Սոցիոլոգիայի ֆակուլտետի խորհրդի նախագահին ի պաշտոնե դեկանն է:  
Նա հրավիրում է խորհրդի նիստերը:  
Դեկանի ամենամյա հաշվետվության և ընտրության նիստերը վարում է խորհրդի կողմից ընտրված նախագահողը: Դեկանը չի կարող լինել այդ նիստերի նախագահողը:  
Դեկանին պաշտոնանկ անելու նպատակով հրավիրվող նիստը վարում է ռեկտորը:  
Ֆակուլտետի խորհրդի նիստի նախագահողը բացում և փակում է նիստը, առաջարկում է նիստի աշխատակարգը, ապահովում է դրա կատարումը, քվեարկության է դնում օրակարգի հարցերը, անհրաժեշտության դեպքում կազմակերպում է հաշվիչ հանձնաժողովի ընտրությունը:
24. Սոցիոլոգիայի ֆակուլտետի խորհրդի քարտուղարն` ի պաշտոնե ֆակուլտետի գիտական խորհրդի քարտուղարն է:
25. Սոցիոլոգիայի ֆակուլտետի խորհրդի նախագահի կողմից նիստը հրավիրելու անհնարինության դեպքում խորհրդի նիստը հրավիրվում է դեկանի պաշտոնակատարի կամ համալսարանի ռեկտորի կողմից:
26. Սոցիոլոգիայի ֆակուլտետի խորհրդի նիստն իրավագոր է խորհրդի անդամների ցուցակային կազմի երկու երրորդի ներկայության դեպքում: Որոշումներն ընդունվում են նիստի մասնակիցների ձայների պարզ մեծամասնությամբ:  
Քվեակազմի (քվորումի) բացակայության դեպքում հայտարարվում է խորհրդի նիստի անցկացման նոր ժամանակը` նույն օրակարգով:  
Ֆակուլտետի խորհրդում դեկանի ընտրության և պաշտոնանկության քվեարկությունը փակ, գաղտնի է:
27. Սոցիոլոգիայի ֆակուլտետի խորհրդի նիստերին խորհրդակցական ձայնի իրավունքով կարող են մասնակցել համալսարանի ռեկտորը կամ պրոռեկտորը:
28. Սոցիոլոգիայի ֆակուլտետի խորհրդի կողմից դեկանի ամենամյա հաշվետվությունը լսելու նիստում խորհուրդը քվեարկությամբ գնահատում է ֆակուլտետի դեկանի գործունեությունը: Դեկանի գործունեությունը դրական գնահատականի չարժանանալու դեպքում հրավիրվում է խորհրդի արտահերթ նիստ` դեկանին անվստահություն հայտնելու հարցի քննարկման և որոշում ընդունելու համար: Խորհրդի արտահերթ նիստում ընտրվում է նիստի նախագահող, որն անցկացնում է դեկանին պաշտոնանկ անելու հարցի վերաբերյալ քննարկումը: Խորհուրդը դեկանին պաշտոնանկ անելու հարցի վերաբերյալ որոշումն ընդունում է

փակ, գաղտնի քվեարկությամբ՝ խորհրդի անդամների ձայների պարզ մեծամասնությամբ:

Դեկանին անվստահություն հայտնելիս և պաշտոնանկ անելիս ընթացակարգային խախտումներ հայտնաբերելու դեպքում ԵՊՀ ռեկտորը ֆակուլտետի խորհրդում նշանակում է նոր քվեարկություն:

29. Դեկանին պաշտոնանկ անելու մասին որոշումն ընդունվելու դեպքում ռեկտորը լուծարում է դեկանի հետ կնքված աշխատանքային պայմանագիրը:
30. Սոցիոլոգիայի ֆակուլտետի խորհրդի նիստերը արձանագրվում են: Արձանագրության մեջ նշվում են նիստի անցկացման ժամանակը, ներկաների անունները, օրակարգի հարցերը, քվեարկության դրված հարցերը, քվեարկության արդյունքները, ընդունված որոշումները: Արձանագրությունը ստորագրում են նախագահողը և քարտուղարը, որոնք պատասխանատու են արձանագրությունը ճիշտ կազմելու համար: Արձանագրությունը հինգ աշխատանքային օրվա ընթացքում ենթակա է հրապարակման ԵՊՀ ինտերնետային կայքում:
31. Սոցիոլոգիայի ֆակուլտետի գիտական խորհուրդը իր իրավասությանը համապատասխան քննարկում և լուծում է ֆակուլտետի գործունեությանն առնչվող հիմնական հարցերը:
32. Սոցիոլոգիայի ֆակուլտետի գիտական խորհրդը կազմված է ի պաշտոնե, հրավիրյալ և ընտրովի անդամներից, որոնց գումարային թիվը 18 է: Գիտական խորհրդի ի պաշտոնե և հրավիրյալ անդամների թիվը չի կարող գերազանցել գիտական խորհրդի կազմի 50 տոկոսը:
33. Սոցիոլոգիայի ֆակուլտետի գիտական խորհրդի կազմի մեջ ի պաշտոնե մտնում են դեկանը՝ որպես նախագահ, նրա տեղակալ(ներ)ը, ֆակուլտետի ամբիոնների վարիչները, մեթոդական խորհրդի նախագահը, ֆակուլտետի արիբյուրոյի նախագահը:
34. Գիտական խորհրդի կազմում կարող են ընդգրկվել ֆակուլտետի գործունեության և մասնագիտությունների հետ կապված արտահամալսարանական ու արտաֆակուլտետային մասնագետներ՝ գիտական խորհրդի կազմի մինչև 15 տոկոսի չափով:
35. Սոցիոլոգիայի ֆակուլտետի գիտական խորհրդի ընտրովի անդամների թեկնածությունները համամասնորեն առաջադրում են ֆակուլտետի կառուցվածքային ստորաբաժանումները, որոնց թիվը հաշվարկվում է ըստ տվյալ ստորաբաժանման

հաստիքների գումարային թվաքանակի: Գիտական խորհրդի ընտրովի անդամներ կարող են առաջադրվել բացառապես տվյալ ստորաբաժանման հիմնական աշխատողները:

36. Սոցիոլոգիայի ֆակուլտետի ուսանողական խորհրդի և ուսանողական գիտական ընկերության մեկական ներկայացուցիչները ֆակուլտետի գիտական խորհրդի ընտրովի անդամներ են:

37. Սոցիոլոգիայի ֆակուլտետի գիտական խորհրդի լիազորությունների ժամկետը 5 տարի է: Գիտական խորհրդի լիազորությունների ավարտից մեկ ամիս առաջ դեկանը ռեկտորի հաստատմանն է ներկայացնում գիտական խորհրդի անդամների ցուցակը:

38. Գիտական խորհրդի նախագահը դեկանն է: Գիտական խորհրդի քարտուղարին գիտական խորհրդի անդամներից դեկանի ներկայացմամբ նշանակում է ռեկտորը:

39. Սոցիոլոգիայի ֆակուլտետի գիտական խորհուրդը՝

- 1) առաջարկություններ է ներկայացնում համալսարանի ռեկտորին ֆակուլտետի կառուցվածքում ամբիոններ, լաբորատորիաներ և այլ կառուցվածքային ստորաբաժանումներ ստեղծելու, վերակազմակերպելու և լուծարելու վերաբերյալ,
- 2) ընդունում է ֆակուլտետի զարգացման ծրագիրը,
- 3) ընտրում է ֆակուլտետի ներկայացուցիչներին ԵՊՀ խորհրդում և ԵՊՀ գիտական խորհրդում,
- 4) քննարկում է ֆակուլտետի ամբիոնների և այլ կառուցվածքային ստորաբաժանումների ուսումնամեթոդական և գիտահետազոտական աշխատանքների մասին հաշվետվությունները,
- 5) քննարկում է ֆակուլտետի կիսամյակային և տարեկան քննաշրջանների արդյունքները,
- 6) սահմանված կարգով իրականացնում է ֆակուլտետի ամբիոնների վարիչների, պրոֆեսորադասախոսական համակազմի ընտրությունը,
- 7) սահմանված կարգով քննարկում է հայցվող գիտական կոչումը ստանալու երաշխավորության հարցը,
- 8) հաստատում է ասպիրանտների անհատական պլանները, ինչպես նաև ասպիրանտների ու հայցորդների տարեկան ատեստացիայի արդյունքները,
- 9) լսում է ֆակուլտետում կատարվող գիտական թեմաների վերաբերյալ հաշվետվությունները, դրամաշնորհների, գիտակրթական գործուղումների վերաբերյալ հաղորդումները,

10) քննարկում է կառուցվածքային ստորաբաժանումների կողմից ընդունված որոշումների դեմ բերված բողոքները,

11) իր կազմից ձևավորում է մշտական և կամ ժամանակավոր հանձնաժողովներ,

12) լուծում է ֆակուլտետի կրթական, գիտական աշխատանքի, արտահամալսարանական և միջազգային գործունեության այլ հարցերը,

13) առաջարկություններ է ներկայացնում պատվավոր կոչումներ շնորհելու, մրցանակներ, անվանական կրթաթոշակներ տալու, ԵՊՀ շքանշանով և մեդալով պարգևատրելու, հանրապետական ու միջազգային պարգևների և կոչումների համար թեկնածությունների վերաբերյալ, ինչպես նաև լուծում է ֆակուլտետի կանոնադրությունից և ԵՊՀ իրավական այլ ակտերից բխող այլ հարցեր:

41. Սոցիոլոգիայի ֆակուլտետի գիտական խորհրդի նիստերը հրավիրում է դեկանը՝ ըստ անհրաժեշտության, բայց ոչ պակաս, քան 8 անգամ մեկ ուսումնական տարում:

42. Սոցիոլոգիայի ֆակուլտետի գիտական խորհրդի նիստերն իրավազոր են նրա անդամների երկու երրորդի ներկայության դեպքում: Գիտական խորհրդի անդամների ներկայությունը գրանցում է գիտական քարտուղարը՝ նիստն սկսելուց առաջ: Քվորումը չապահովելու դեպքում գիտական խորհրդի նախագահի որոշմամբ գրանցման գործընթացը կարող է երկարաձգվել մինչև 30 րոպե:

43. Սոցիոլոգիայի ֆակուլտետի գիտական խորհրդում որոշումներն ընդունվում են խորհրդի նիստին ներկա անդամների ձայների պարզ մեծամասնությամբ, բաց քվեարկությամբ, եթե գիտական խորհուրդն այլ որոշում չի կայացրել:

Գիտամանկավարժական պաշտոնների տեղակալման, ամբիոնների վարիչների ընտրության մրցույթների քվեարկությունը կատարվում է փակ, գաղտնի ընթացակարգով:

44. Սոցիոլոգիայի ֆակուլտետի գիտական խորհրդի նախագահի կողմից նիստի հրավիրման անհնարինության դեպքում գիտական խորհրդի նիստը հրավիրում է դեկանի տեղակալը:

45. Սոցիոլոգիայի ֆակուլտետի գիտական խորհրդի նիստերին խորհրդակցական ձայնի իրավունքով կարող են մասնակցել հանալսարանի ռեկտորը կամ պրոռեկտորը, ինչպես նաև հրավիրված անձինք:

46. Սոցիոլոգիայի ֆակուլտետի գիտական խորհրդի որոշումները պարտադիր են ֆակուլտետի այլ մարմինների, աշխատողների և սովորողների համար: ԵՊՀ ֆակուլտետի գիտական խորհրդի նախագահը կազմակերպում է գիտական խորհրդի որոշումների



կատարման պարբերական ստուգումներ և գիտական խորհրդի անդամներին տեղյակ է պահում ընդունված որոշումների կատարման մասին:

47. Սոցիոլոգիայի Ֆակուլտետի գիտական խորհրդի նիստերն արձանագրվում են: Արձանագրությունը ստորագրում են նախագահը և քարտուղարը: Նիստի օրակարգը և ընդունված որոշումները հինգ աշխատանքային օրվա ընթացքում ենթակա են հրապարակման ԵՊՀ ինտերնետային կայքում:

48. Սոցիոլոգիայի Ֆակուլտետի գործունեությունը կազմակերպում և ղեկավարում է ֆակուլտետի ղեկանը՝ իր իրավասությունների սահմաններում և ֆակուլտետի սույն կանոնադրության համաձայն:

49. Սոցիոլոգիայի Ֆակուլտետի ղեկանն ունի տեղակալ(ներ), որին (որոնց) ֆակուլտետի ղեկանի ներկայացմամբ նշանակում է ԵՊՀ ռեկտորը:

50. Սոցիոլոգիայի Ֆակուլտետի ղեկանն ընտրվում է ֆակուլտետի խորհրդում՝ փակ, գաղտնի քվեարկությամբ, 5 տարի ժամկետով: Դեկան կարող է ընտրվել այն պրոֆեսորը կամ դոցենտը, որն ունի գիտությունների դոկտորի կամ թեկնածուի գիտական աստիճան:

51. Սոցիոլոգիայի Ֆակուլտետի ղեկանի պաշտոնում ընտրված է համարվում ֆակուլտետի խորհրդում ամենաշատ ձայներ, բայց ոչ պակաս, քան մասնակիցների ձայների կեսից ավելին հավաքած թեկնածուն:

52. ԵՊՀ ռեկտորը ղեկանին պաշտոնի է նշանակում իր հրամանով՝ ընտրությունների արդյունքների հիման վրա:

53. Սոցիոլոգիայի Ֆակուլտետի ղեկանի պաշտոնի համար թեկնածուների առաջադրումը, ընտրությունների անցկացումը, ղեկանի հետ աշխատանքային պայմանագրի կնքումը և պաշտոնում հրամանագրելը կատարվում է ըստ ղեկանի ընտրության ընթացակարգի:

54. Սոցիոլոգիայի ֆակուլտետի ղեկանը՝

- 1) կազմակերպում և վերահսկում է ֆակուլտետի գործունեությունը կրթական, գիտական, միջազգային և այլ ոլորտներում,
- 2) ապահովում է ֆակուլտետի խորհրդի և գիտական խորհրդի որոշումների կատարումը,
- 3) ռեկտորի հաստատմանն է ներկայացնում ղեկանի տեղակալների, ֆակուլտետի գիտական խորհրդի քարտուղարի թեկնածուներին,

- 4) սահմանված կարգով համալսարանի ռեկտորին առաջարկություններ է ներկայացնում ուսանողներին կուրսից կուրս փոխադրելու, նույն կուրսում թողնելու, հեռացնելու, վերականգնելու, տեղափոխման (այլ բուհից կամ այլ մասնագիտությունից), ուսուցման ձևի փոփոխման, համապատասխան արձակուրդ ձևակերպելու վերաբերյալ,
- 5) կազմակերպում է ուսումնական դասացուցակների կազմումը և վերահսկում է դրանց կատարումը,
- 6) վերահսկում է քննությունների և ստուգարքների անցկացման գործընթացը,
- 7) իր լիազորությունների շրջանակում խրախուսում, ինչպես նաև կարգապահական պատասխանատվության է ենթարկում ուսանողներին,
- 8) տնօրինում է ֆակուլտետին հատկացված ֆինանսական միջոցները, այդ մասին հաղորդում է ֆակուլտետի խորհրդին ամենամյա հաշվետվություն ներկայացնելու ժամանակ,
- 9) լուծում է ֆակուլտետի կանոնադրությունից բխող և ֆակուլտետի ուսումնամեթոդական ու գիտահետազոտական գործունեության հետ կապված այլ հարցեր:

55. Սոցիոլոգիայի ֆակուլտետի ղեկանը արձակում է հրամաններ, տալիս է հրահանգներ, որոնք պարտադիր են ֆակուլտետի կառուցվածքային օղակների, աշխատողների և սովորողների համար:

56. Սոցիոլոգիայի ֆակուլտետի գործունեության ընթացիկ հարցերի լուծման համար ֆակուլտետում գործում է խորհրդակցական մարմին՝ ղեկանատ, որի կազմում են ղեկանը, նրա տեղակալ(ներ)ը, ամբիոնների վարիչները, ֆակուլտետի գիտական խորհրդի քարտուղարը, ֆակուլտետի մեթոդական խորհրդի նախագահը, ֆակուլտետի արհբյուրոյի նախագահը, ուսանողական խորհրդի նախագահը:

57. Սոցիոլոգիայի ֆակուլտետի ղեկանատը հարցերը քննարկում է ղեկանի առաջարկով:

58. Սոցիոլոգիայի ֆակուլտետի ուսումնամեթոդական և գիտահետազոտական հարցերի քննարկման համար ֆակուլտետում գործում է մեթոդական խորհուրդ, որի ստեղծման և գործունեության կարգը սահմանվում է ֆակուլտետի մեթոդական խորհրդի կանոնակարգով: Ֆակուլտետի մեթոդական խորհուրդը հարցերը (ուսումնական պլաններ, առարկայական ծրագրեր, դասագրքեր, ուսումնական ձեռնարկներ և այլն) քննարկում է ղեկանի առաջարկով կամ ֆակուլտետի գիտական խորհրդի որոշմամբ:

#### 4. ԵՊՅ ՍՈՑԻՈԼՈԳԻԱՅԻ ՖԱԿՈՒԼՏԵՏԻ ԿԱՌՈՒՑՎԱԾՔԸ

59. Սոցիոլոգիայի ֆակուլտետի ամբիոնները ֆակուլտետի կրթական և գիտական գործընթացի կազմակերպման հիմնական կառուցվածքային ստորաբաժանումներն են: Սոցիոլոգիայի ֆակուլտետում գործում են երկու լաբորատորիաներ, մեկ կենտրոն և մեկ գիտակրթական կաբինետ: Ֆակուլտետում կարող են գործել նաև այլ ստորաբաժանումներ:

60. Ամբիոնները ֆակուլտետի կրթագիտական գործընթացի կազմակերպման հիմնական կառուցվածքային ստորաբաժանումներն են:

61. Ամբիոնն ապահովում է ուսումնական գործընթացը, իրականացնում է մեթոդական և գիտական հետազոտություններ:

62. Ամբիոնները գործում են ԵՊՅ կանոնադրության, ԵՊՅ իրավական ակտերի և ֆակուլտետի կանոնադրության հիման վրա:

63. Ամբիոնի վարիչը կազմակերպում և վերահսկում է ամբիոնի ուսումնամեթոդական, գիտահետազոտական և այլ աշխատանքները, ներկայացնում է ամբիոնը ֆակուլտետի, համալսարանի, համալսարանական ստորաբաժանումների, ինչպես նաև արտահամալսարանական կազմակերպությունների հետ հարաբերություններում:

64. Ամբիոնի վարիչն ամբիոնի կարծիքն ստանալուց հետո մրցութային հիմունքներով ընտրվում է ֆակուլտետի գիտական խորհրդում՝ 5 տարի ժամկետով: Ֆակուլտետի գիտական խորհրդի որոշումը հաստատվում է ԵՊՅ գիտական խորհրդում՝ փակ, գաղտնի քվեարկությամբ, որից հետո ռեկտորն ամբիոնի վարիչի հետ կնքում է աշխատանքային պայմանագիր:

Ամբիոնի վարիչի պաշտոնի թեկնածուներ առաջադրելու, ընտրություններ անցկացնելու և ամբիոնի վարիչին պաշտոնում հրամանագրելու կարգը սահմանվում է ամբիոնների վարիչների ընտրության ընթացակարգով:

65. Ամբիոնի վարիչը պատասխանատու է ամբիոնի գործունեության համար: Ամբիոնի վարիչն ըստ սահմանված կարգի տարին մեկ անգամ հաշվետվություն է տալիս ֆակուլտետի գիտական խորհրդում: Ամբիոնի աշխատանքների մասին ամբիոնի վարիչի հաշվետվությունների ժամկետները և ձևերը սահմանում է գիտական խորհուրդը:

66. Սոցիոլոգիայի ֆակուլտետի գիտական խորհրդում ամբիոնի վարիչի գործունեությունը դրական գնահատականի չարժանանալու դեպքում հնգօրյա ժամկետում հրավիրվում է գիտական խորհրդի արտահերթ նիստ, որի քննարկմանն է դրվում ամբիոնի վարիչին ետ կանչելու հարցը: Փակ, գաղտնի քվեարկությամբ ամբիոնի վարիչին պաշտոնանկ անելու մասին

որոշում կայացնելու դեպքում գիտական խորհուրդը միջնորդում է ԵՊՀ գիտական խորհրդին՝ հաստատելու ամբիոնի վարիչի պաշտոնանկությունը:

67. ԵՊՀ գիտական խորհրդում փակ, գաղտնի քվեարկությամբ ամբիոնի վարիչին պաշտոնանկ անելու մասին որոշումն ընդունվելու դեպքում ռեկտորը լուծում է ամբիոնի վարիչի հետ կնքված աշխատանքային պայմանագիրը:

ԵՊՀ գիտական խորհրդում ամբիոնի վարիչի պաշտոնանկությունը չհաստատվելիս հնգօրյա ժամկետում հրավիրվում է ֆակուլտետի գիտական խորհրդի նոր նիստ: Սոցիոլոգիայի ֆակուլտետի գիտական խորհրդի նիստի մասնակիցների ձայների երկու երրորդով ամբիոնի վարիչին պաշտոնանկ անելու մասին որոշումը վերահաստատելու դեպքում ռեկտորը լուծում է ամբիոնի վարիչի հետ կնքված աշխատանքային պայմանագիրը:

68. Ամբիոնի պրոֆեսորադասախոսական կազմում ընդգրկած են պրոֆեսորները, դոցենտները, ասիստենտները և դասախոսները: Ամբիոնի կազմի մեջ մտնում են նաև ասպիրանտները և ուսումնաօժանդակ համակազմը:

69. Ամբիոնը, ելնելով կատարվող կրթական, գիտական, ուսումնաօժանդակ և ինժեներատեխնիկական աշխատանքների ծավալից ու ձևերից, ըստ սահմանված կարգի մշակում է իր աշխատողների ուսումնական բեռնվածությունը:

70. ԵՊՀ Սոցիոլոգիայի ֆակուլտետի ամբիոնների պրոֆեսորադասախոսական կազմի աշխատանքի ընդունումն իրականացվում է համաձայն աշխատանքային պայմանագրի, որի կնքմանը նախորդում է բաց մրցութային ընտրությունը:

71. Սոցիոլոգիայի ֆակուլտետի ամբիոնների աշխատանքներն իրականացվում են ամբիոնների աշխատանքային ծրագրերին համապատասխան և ընդգրկում են ուսումնամեթոդական, գիտահետազոտական և աշխատանքի այլ տեսակները:

72. Ամբիոնի կրթական և գիտական հարցերը քննարկվում են ամբիոնի պրոֆեսորադասախոսական համակազմի նիստերում: Ամբիոնի նիստերին վճռական ձայնի իրավունքով մասնակցում են ամբիոնի պրոֆեսորադասախոսական համակազմի հիմնական աշխատողները: Ամբիոնի նիստերին խորհրդակցական ձայնի իրավունքով կարող են մասնակցել դեկանը կամ տեղակալը, ամբիոնի գիտաշխատողները, ասպիրանտները, ուսումնաօժանդակ համակազմը և այլ աշխատողները:

Ամբիոնի նիստերը հրավիրվում են ըստ անհրաժեշտության, բայց ոչ պակաս, քան տարեկան ութ անգամ:

Ամբիոնի նիստերն արձանագրվում են: Արձանագրությունները ստորագրվում են ամբիոնի վարիչի ու գործավարի կողմից:

73. Սոցիոլոգիայի ֆակուլտետի կենտրոն(ներ)ը և լաբորատորիաները ֆակուլտետի ստորաբաժանումներն են, որոնց ստեղծման և գործունեության կարգը, ինչպես նաև իրավասությունը սահմանվում է ֆակուլտետի կանոնադրությամբ: Ֆակուլտետի կենտրոն(ներ)ի և լաբորատորիաների խնդիրն է՝ իրագործել գիտության զարգացմանը նպաստող գիտահետազոտական և փորձարարական աշխատանքները, ինչպես նաև նպաստել ֆակուլտետի ուսումնական գործընթացին:

74. Սոցիոլոգիայի ֆակուլտետի կենտրոնի կամ լաբորատորիայի գործունեության հիմնական հարցերը քննարկվում են կենտրոնի կամ լաբորատորիայի համակազմի նիստերում: Ֆակուլտետի կենտրոնի կամ լաբորատորիայի ուսումնաօժանդակ համակազմը և այլ աշխատողներն այդ նիստերին մասնակցում են խորհրդակցական ձայնի իրավունքով:

75. Սոցիոլոգիայի ֆակուլտետի կենտրոնների և լաբորատորիաների ստեղծման, վերակազմակերպման և լուծարման վերաբերյալ որոշումն ընդունում է ԵՊՀ գիտական խորհուրդը՝ ֆակուլտետի գիտական խորհրդի առաջարկությամբ:

76. Սոցիոլոգիայի ֆակուլտետի կանոնադրության հավելվածի տեսքով ներկայացվում են ֆակուլտետի բոլոր կառուցվածքային ստորաբաժանումները:

## **Հավելված**

ԵՊՀ Սոցիոլոգիայի ֆակուլտետի կառուցվածքը.

ԵՊՀ Սոցիոլոգիայի ֆակուլտետի կազմում են՝

1. Կիրառական սոցիոլոգիայի ամբիոնը
2. Սոցիոլոգիայի պատմության և տեսության ամբիոնը
3. Սոցիալական աշխատանքի և սոցիալական տեխնոլոգիաների ամբիոնը
4. Հեռաուսուցման լաբորատորիան
5. Կիրառական սոցիոլոգիայի լաբորատորիան
6. Միգրացիայի ուսումնասիրությունների կենտրոնը
7. “Տարածաշրջանային ինտեգրման և կոնֆլիկտների լուծման կենտրոն” գիտակրթական կաթինետը